

## **A ANG DAKUNG AWAY.**

### **❖ Ang Away Nagasugod.**

- Ang basahon sa Job nagaasoy kanato kon giunsa pagsupak ni Satanas ang mga desisyon sa Dios (Job 1:9). Kinsa kana nga Satanas nga nangahas sa pagtamay sa Dios? Isaias 14:12-14; Ezekiel 28:12-16.
- Ang sala maoy usa ka dili masaysay nga misteryo (2 Tesalonica 2:7). “Kon ang pangulipas niini makaplagaan pa lang unta, o ang hinungdan mapadayag sa pagtungha niini, kini mohinong nga mamahimong sala.” (GC 492).
- Kinahanglan likyan nato ang garbo ug pagawal uban ang dakung pagmatngon. Niana nga paagi malikayan nato ang pagkahulong “ngadto sa susama nga kalaglagan ingon sa yawa” pinaagi sa pagyubit sa Balaod sa Dios sama sa gibuhat ni Satanas (1 Timoteo 3:6).

### **❖ Ang Away Ibabaw Sa Yuta.**

- Ang basahon sa Job maoy usa ka pananglitan kon giunsa sa Away didto sa Langit pagkadugtong sa Away ibabaw sa Yuta:
  - (a) Adunay usa ka sukod lapas sa unsay atong makita. Ang Dios ug ang mga langitnong binuhat (dili mga dios) mga matuod ug nanagpuyo didto.
  - (b) Ang sukod sa Yuta ug Langit nagakadugtong. Tanan ibabaw sa Yuta makita sa mga langitnong binuhat.
  - (c) Adunay Away moral didto sa Langit nga nakaapekto sa atong kalibutan.
- Ang sugilon sa Away diha sa Job ginaasoy sa tibuok Biblia, gikan sa Eden ngadto sa atong kaadlawan: Genesis 3:1-4; Zacarias 3:2; Mate 4:1; 1 Juan 3:8; 1 Pedro 5:8; Pinadayag 12:9.

## **B ANG AWAY DIHA SA SUGILANON NI JOB.**

### **❖ Usa ka tipik sa Langit ibabaw sa Yuta. Job 1:1-5.**

- Ang Biblia nagaasoy kanato nga si Job usa ka adunahan, matud-anon ug matarung nga tawo. Siya nagpuyo nga malinawon ug gipalibotan sa daghang mga panalangin.
- Bisan pa niana, nabalaka si Job sa iyang suliran sa sala diha sa Job 1:4-5. Nahibalo siya niana nga katinuoran, nan iyang gibutan ang iyang mga anak sa mga kamot sa Dios aron Siya makaatiman sa ilang kaluwasan.
- Ang kinamaayohan nga kadugtongan nga atong maangkon uban sa Dios ning Yutaa dili makahimo kanatong bug-os nga luwas gikan sa mga problema sa sala.

### **❖ Ang Away didto sa Langit. Job 1:6-12.**

- Sumala ni Satanas, ang Dios nanginahanglan nga panalanginan ang Iyang mga anak aron sila makaalagad Kaniya.
- Ang hagit ni Satanas nagpamatuod giunsa sa Dios pagsalig sa Iyang mga anak sa dihang sila miangot sa ilang Manunubos.

## **C ANG KATAPOSAN SA AWAY. Hebreohanon 2:14.**

- ❖ Si Satanas nagamugna lamang og mga problema, ug ang Dios mao lamang ang Bugtong nga adunay depenitibong kasulbaran alang kanila.
- ❖ Ang gugma lamang ang makadaug batok sa daotan. Ang kinadak-ang gugma mao ang Dios mismo—diha sa persona ni Jesus—nagpakamatay sa luna sa makasasala.
- ❖ Ang palad ni Satanas nailhan na sukad pa sa Calbaryo.